

禪行三十七品經

身觀經

八無暇有暇經

比丘避女惡名欲自殺經

無常經

三百五

學子七

49803




元祿九年丙子二月

皇圖環回 帝階級昌

佛日增輝 慧輪常轉

山城州天安寺法金剛院置

法金剛院置



五經同卷

禪行三十七品經

比丘避女惡名欲自殺經

身觀經

無常經

八無暇有暇經

佛說禪行三十七品經

後漢沙門安世




聞如是一時佛遊於舍衛祇樹給孤獨園佛

告諸比丘若能彈指間惟行自身身上觀外

身身止觀內外身身止觀分別念解世間癡

惱是為精進為如佛教非是愚癡食人施何



字七

況能多行者撮取其要若彈指間止觀痛苦  
止觀意及止觀法內外分別念解世間癡惱  
皆如上說何況多行者是故可念行四意止  
佛言諸比丘若彈指間惟行未生惡法不令  
生勸意治行精進攝意是為精進行禪為如  
佛學七教不是愚癡食人施何況多行者撮取其  
要若彈指間惟行已生惡法即得斷若惟行  
未生善法便發生及已生善法立不忘增行  
得滿勸意治行精進攝意皆如上說何況多  
行者是故可念行四意新

佛言諸比丘若彈指間惟行欲定新生死惟  
神定是為最精進行禪為如佛教不是愚癡

食人施何況多行者撮取其要若彈指間惟  
行精進定若惟行意定及戒定斷生死惟神  
足皆如上說何況多行者是故可念行四神  
足

佛言諸比丘若彈指間惟行信根以見四喜  
之喜不離佛亦法與衆及戒是為精進行禪  
為如佛教不是愚癡食人施何況多行者撮  
取其要若彈指間惟行精進根以見四意斷  
若惟行念根以見四意止若惟行定根以見  
四禪若惟行慧根以見四諦皆如上說何況  
多行者是故可念行五根

佛言諸比丘若彈指間惟行信力從得四喜

之舉令無能壞是為精進行禪為如佛教非  
是愚癡食人施何況多行者若彈指間惟行  
精進力若念力若定力若慧力皆如上說何  
況多行者是故可念行五力

佛言諸比丘若彈指間惟行念覺意以念所

當念以愛念以正念為善法念得悉不<sub>二</sub>忘是

學七

為精進行禪為如佛教不是愚癡食人施何

況多行者撮取其要若彈指間惟行法解覺

意其經其經分別解隨順解若惟行精進覺

意其身精進意亦精進若惟行愛覺意知所

當愛令意得喜若惟行止覺意令身體止意

亦休止若惟行定覺意令意住念亦住忘不<sub>二</sub>息

亂不邪念若惟行護覺意令護行知所念知  
安身令見道護惡念安隱行事事皆如上說  
何況多行者是故可念行七覺意

佛言諸比丘若彈指間惟行正見以知古知  
今知始知終知內知外知苦知習知盡知道  
知佛知法知比丘衆知學行事如六合所曾  
所取歡樂變失及其歸趣知不貪之德是為  
正見為精進行禪為如佛教不是愚癡食人  
施何況多行者撮取其要若彈指間惟行正  
思為思出家思不諍思不殺若惟行正語不  
妄語不兩舌不惡口不形笑若惟行正命不  
以貧生活不恚生活不以癡生活若惟行正

業不殺不盜竊不邪淫若惟行正治以修治  
四意勤之事若惟行正念以受行四意止亦  
惟行正定以思念四禪事事皆同如上說其  
彈指間功德如是何況多行者是故可念行  
八正道佛說是已皆歡喜受

佛說學七禪行三十七品經

學七

三

三九



比丘避女惡名欲自殺經

西晉釋法炬譯

如是我聞一時佛住舍衛國祇樹給孤獨園  
時有異比丘在拘薩羅人間住一林中時彼

比丘與長者婦女嬉戲起惡名聲時彼比丘

作是念我今不應共他婦女起惡名聲我今

欲於此林中自殺時彼林中正住天神作是

念惡不善不類此比丘不壞無過而於林中

欲自殺身我今當往方便開悟時彼天神化

作長者女身語比丘言於諸巷路四衢道中

世間諸人為我及汝起惡名聲言我與汝共

相習近作不正事已有惡名今可還俗共相

娛樂比丘答言以彼里巷四衢道中為我與

汝起惡名聲共相習近為不正事我今且自

殺身時彼天神還復天身而說偈言

雖聞多惡名 苦行者忍之 不應苦自害

亦不應起惱 聞聲恐怖者 是則林中獸  
是輕躁衆生 不成出家法 仁者當堪耐  
下中上惡聲 執心堅住者 是則出家法  
不由他人語 令汝成劫賊 亦不由他語  
令汝得羅漢 如汝自知已 諸天亦復知  
今時比丘為彼天神所開悟已 專精思惟斷  
除煩惱得阿羅漢

學七

四

比丘避世惡名欲自殺經

學

佛說身觀經

西晉三藏竺法護譯



聞始是一時佛在舍衛國祇樹給孤獨園是  
時佛告諸比丘是身有肌膚髓血生肉含滿  
屎尿自視身見何等好常有九孔惡病常不  
淨常洗可足慙常與怨家合為至老死亦與  
病俱何以不惡身會當墮會當敗以棄屍地  
中不復用為狐狼所散何以見是不慙誰說  
貧媿如佛言少樂多罪自心觀是如屠孟屠  
儿為骨聚如燃熾火如毒藥痛為旋癡人喜  
為喜不自知何以不畏羅網貧媿為癡財錢  
穀金銀牛馬奴婢人為命故求命在將吸本  
命亦自少極壽百餘歲亦吾合會觀是誰為  
可者如時過去便命稍少命日俱盡如疾河

水如日月盡命疾是過去人命去不復還如是為不可得人死時命去設使若于財索天下奇物亦一切有死時對來亦不樂亦不可厭亦不可樂亦不可自樂無餘但可自作善所自作善所應自然若以知會當死當有何等樂人可學隨貪姪設使久壽設使亡去會當死何以意愛五俱樂何以故不念自靜極意愛悅兒兒已死号哭不過十日過十日已後後便稍忘之愛兒婦亦尔為家室親屬知識亦尔以勤苦治生致敗物自愛身命奇好人死時皆棄所有身殭在地下八於土但為除去牛隨行受形人譬如樹果實已見如是為有

人意隨有中天下一切萬物一人得不自足  
若得一分當那得自厭無有數三十五樂自  
樂遍之當為有何等益人已途苦索受罪人  
意為是所好謂有所益不欲受靜索為毒虺  
自身如少多亦尔如多少亦尔如病為大小  
亦苦譬如骨無有肉狗得齧之不厭如是欲  
狗習是亦難得已得當多畏之是習所不久  
人亦隨惡如人見夢已寤不復得貪姪亦如  
是劇夢如夢為有樂如黑虺如釣餅肉如樹  
果實實少味多亡為增結為惡作本道家常  
不用是人在天上舍樂亦天上色樹亦在端  
正好死園亦得天上玉女已得天人不厭天

上五樂今當那得厭天下樂耶為取三百日  
骨骨百二十段為筋纏為九孔常漏為六十  
三種為百病極為肉血和為生華肌為中寒  
熱風為屎尿為千蟲皆從身起中亦有千孔  
亦有劇為親已壞他為從是不淨出從鼻中  
涕出從口涎唾出從腋下汗流出從九孔處  
屎尿出如是皆從身出劇冢間死人誠可惡  
劇舍後可惡處身所有不淨如是為不淨種  
為從是本來如金塗餘物為衣故香粉脂澤  
赤絮紉黛為癡人見是為是意亂如畫瓶亦  
如坑覆草人所抱愛後會悔比丘聞經跪拜  
象道教如是



佛說身觀經

稽首歸依無上士

常起弘誓大悲心

為濟有情生死流

令得涅槃安隱處

大捨防非忍無倦

一心方便正慧力

自利利他悉圓滿

故号調御天人師

稽首歸依妙法藏

三四二五理圓明

七八能開四諦門

修者咸到無為岸

法雲法雨潤群生

能除熱惱蠲眾病

難化之徒使調順

隨機引導非強力

稽首歸依真聖眾

八輩上人能蕪染

金剛智杵破邪山

永斷無始相纏縛

始從鹿死至雙林 隨佛一代叩真教

各稱本緣行化已 灰身滅智證無生

稽首揔敬三寶尊 是謂正因能普濟

生死迷愚鎮沉溺 咸令出離至菩提

生者皆歸死 容顏盡變衰 強力病所侵

無能免斯者 假使妙高山 劫盡皆散壞

大海深無底 亦復皆枯竭 大地及日月

時至皆歸盡 末曾有一事 不被無常吞

上生非想處 下至轉輪王 七寶鎮隨身

千子常圍繞 如其壽命盡 須臾不暫停

還漂死海中 隨緣受衆苦 循環三界內

猶如汲井輪 亦如蚕作蠶 吐絲還自纏

無上諸世尊

獨覺聲聞衆

尚捨無常身

何況諸凡夫

父母及妻子

兄弟并眷屬

目觀生死隔

云何不愁嘆

是故勸諸人

諦聽真實法

共捨無常處

當行不死門

佛法如甘露

除熱得清涼

一心應善聽

能滅諸煩惱

佛說無常經

唐三藏法師義淨譯

如是我聞一時薄伽梵在室羅伐城逝多林  
給孤獨園尔時佛告諸苾芻有三種法於諸  
世間是不可愛是不光澤是不可念是不稱  
意何者為三謂老病死汝諸苾芻此老病死

於諸世間實不可愛實不光澤實不可念實  
不稱意若老病死世間無者如來應正等覺  
不出於世為諸衆生說所證法及調伏事是  
故應知此老病死於諸世間是不可愛是不  
光澤是不可念是不稱意由此三事如來應  
正等覺出現於世為諸衆生說所證法及調  
伏事學七於時世尊重說頌曰

外事糝彩咸歸壞  
內身衰變亦同然  
唯有勝法不滅亡  
諸有智人應善察

此老病死皆共嫌  
形儀醜惡極可厭

少年容貌暫時停  
不久咸悉成枯悴

假使壽命滿百年  
終歸不免無常逼

老病死苦常隨逐 恒與衆生作無利  
尔時世尊說是經已 諸苾芻衆天龍藥叉捷  
闍縛阿蘇羅等皆大歡喜信受奉行

佛說無常經

常求諸欲境

不見死來侵

衆苦與死俱

死刀隨業下

長喘連曾急

親屬徒相守

親知咸弃捨

不行於善事

命根氣欲盡

此時徒嘆恨

意想並悻惶

噎氣喉中乾

諸識皆昏昧

任彼繩牽去

云何保形命

肢節悉分離

兩目俱翻上

無能相救濟

死王催伺命

行入險城中

將至琰魔王

隨業而受報 勝因生善道 惡業墮泥犁

明眼無過慧 黑闇不過癡 病不越怨家

大怖無過死 有生皆必死 造罪苦切身

當勤策三業 恒修於福慧 眷屬皆捨去

財貨任他將 但持自善根 險道充糧食

譬如路傍樹 暫息非久停 車馬及妻兒

不久皆如是 譬如群宿鳥 夜聚且隨飛

死去別親知 乖離亦如是 唯有佛菩薩

是真歸仗處 依經我略說 智者善應思

天阿蘇羅藥叉等 來聽法者應至心

擁護佛法使長存 各各勤行世尊教

諸有聽徒來至此 或在地上或居空

常於人世起慈心 晝夜自身依法住  
願諸世界常安隱 無邊福智益群生  
所有罪業並消除 遠離衆苦歸圓寂  
恒用戒香塗瑩體 常持定服以資身  
菩提妙華遍莊嚴 隨所住處常安樂  
若苾芻苾芻尼若鄔波索迦鄔波斯迦若見  
有人將欲命終身心苦痛應起慈心拔濟饒  
益教使香湯澡浴清淨著新淨衣安祥而坐  
正念思惟若病之人自無力者餘人扶坐又  
不能坐但令病者右脇著地合掌至心面向  
西方當病者前取一淨處唯用牛糞香泥塗  
地隨心大小方角為壇以華布地燒衆名香



四角燃燈於其壇內懸一綵像令彼病人心  
心相續觀其相好了了分別使發菩提心復  
為廣說三界難居三塗苦難非所生處唯佛  
菩提是真歸仗以歸依故必生十方諸佛刹  
土與菩薩居受微妙樂問病者言汝今樂生  
何佛土也病者答言我意樂生某佛世界時  
說法人當隨病者心之所欲而為宜說佛土  
因緣十六觀等猶如西方無量壽國一一具  
說令病者心樂生佛土為說法已復教請觀  
隨何方國佛身相好觀相好已復教請佛及  
諸菩薩而作是言稽首如來應正等覺并諸  
菩薩摩訶薩願哀愍我拔濟饒益我今奉請

為滅衆罪後將弟子隨佛菩薩生佛國土第  
二第三亦如是說既教請已復令病人稱彼  
佛名十念成就與受三歸廣大懺悔懺悔畢  
已復為病人受菩薩戒若病人因不能言者  
餘人代受及懺悔等除不至心然亦罪滅得  
菩薩戒既受戒已扶彼病人北首而卧面向  
西方闔目閉目諦想於佛三十二相八十隨  
形好乃至十方諸佛亦復如是又為其說四  
諦因果十二因緣無明老死苦空等觀若臨  
命終看病餘人但為稱佛聲聲莫絕然稱佛  
名隨病者心稱其名号勿稱餘佛恐病者心  
而生疑惑然彼病人命漸欲終即見化佛身

菩薩衆持妙香華來迎行者行者見時便安  
歡喜身不苦痛心不散亂正見心生如入禪  
定尋即命終必不退墮地獄傍生餓鬼之苦  
乘前教法猶如壯士屈伸臂頃即生佛前若  
在家鄔波索迦鄔波斯迦等若命終後當取  
亡者<sup>學</sup>新好衣服及以隨身受用之物可分三  
分為其亡者將施佛陀達磨僧伽由斯亡者才  
業障轉盡獲勝功德福利之益不應與其死  
屍暑好衣等將以送以何以故無利益故若  
出家苾芻苾芻尼及求寂等所有衣物及非  
衣物如諸律教餘同白衣若送亡人至其殯  
所可安下風置令側卧右脇著地面向日奉

於其上風當敷高座種種莊嚴請一苾芻能  
讀經者昇於法座為其亡者讀無常經孝子  
止哀勿復啼哭及以餘人皆悉志心為彼亡  
者燒香散華供養高座微妙經典及散苾芻  
然後安坐合掌恭敬一心聽經苾芻徐徐應  
為遍讀若聞經者各各自觀己身無常不久  
磨滅念離世間入三摩地讀此經已復更散  
華燒香供養又請苾芻隨誦何咒咒無虫水  
滿三七遍灑亡者上復更咒淨黃土滿三七  
遍散亡者身然後隨意或安窆塔波中或以  
火焚或屍陀林乃至土下以此功德因緣力  
故令彼亡人百千萬億俱脫那庾多劫十惡

四重五無間業誇大乘經一切業報等障一  
時消滅於諸佛前獲大功德起智斷惑得六  
神通及三明智進入初地遊歷十方供養諸  
佛聽受正法漸漸修集無邊福慧畢當證得  
無上菩提轉正法輪度無央衆趣大圓寂成  
最正覺

學七

佛說無常經臨經方訣

十一

學七

宋

佛說八無暇有暇經

唐三藏法師義淨奉制譯

如是我聞一時薄伽梵在室羅代城逝多林  
給孤獨園與大苾芻衆及人天等俱

尔時世尊告諸苾芻曰汝等當知於此世間  
寡聞無識凡夫之類常說無暇有暇之言然  
不了知云何無暇云何有暇吾今為汝分別  
開示汝等諦聽善思念之若諸有情欲住聖  
行修善法時有其八事無暇修習  
云何為八汝等當知於此世間大師出現前  
謂如來應供正遍知明行足善逝世間解無  
上士調御丈夫天人師佛世尊宜說諸佛所  
證妙法善除煩惱能趣菩提究竟涅槃盡諸  
苦際說是法時有人隨在地獄之中受大苦  
惱是名最初欲住聖行無暇修習  
復次諸苾芻於此世間大師出現十号具足

宜說諸佛所證妙法善除煩惱能趣菩提究竟涅槃盡諸苦際說是法時有人墮在餓鬼之中受大苦惱是名第二欲住聖行無暇修習復次諸苾芻於此世間大師出現十号具足宜說諸佛所證妙法善除煩惱能趣菩提究竟涅槃盡諸苦際說是法時有人字七墮在傍生之中受諸苦惱是名第三欲住聖行無暇修習復次諸苾芻於此世間大師出現十号具足宜說諸佛所證妙法善除煩惱能趣菩提究竟涅槃盡諸苦際說是法時有人生在長壽天中無所知曉是名第四欲住聖行無暇修習



復次諸苾芻於此世間大師出現十号具足  
宜說諸佛所證妙法善除煩惱能趣菩提  
竟涅槃盡諸苦際說是法時有人生在邊地  
下賤懷戾車中不識善惡於我四衆不聞不  
見是名第五欲住聖行無暇修習

復次諸苾芻於此世間大師出現十号具足  
宜說諸佛所證妙法善除煩惱能趣菩提  
竟涅槃盡諸苦際說是法時有人雖復生在  
中國然受惡報聾盲瘖瘂以手代言於善於  
惡不能分別是名第六欲住聖行無暇修習  
復次諸苾芻於此世間大師出現十号具足  
宜說諸佛所證妙法善除煩惱能趣菩提

竟涅槃盡諸苦際說是法時有人雖復生在  
中國其身雖不瞽盲瘖瘂以手代言於善於  
惡悉能曉了然而信邪倒見作如是說無施  
無受亦無祠祀無善惡業緣無異熟果報無  
今世後世無父母眷屬無化生有情於此世  
間無阿羅漢正趣正行此世他世於現法中  
得自覺悟正證圓滿皆悉了知我生已盡梵  
行已立不受後有此事皆無生極邪見是謂  
第七欲住聖行無暇修習

復次諸苾芻於此世間無大師現無十名  
不聞諸佛所證妙法不除煩惱不趣菩提不  
至涅槃無苦邊際有人雖復生在中國不瞽

盲瘖瘂不以手代言於善於惡悉能曉了不生邪見作如是說有施有受亦有祠祀有善惡業緣有異熟果報有今世後世有父母眷屬有化生有情於此世間有阿羅漢正趣正行此世他世於現法中得自覺悟正證圓滿皆悉了知我生已盡梵行已立不受後有此等皆有生極正見然無將導開出離門是名第八欲住聖行無暇修習

復次諸苾芻於此世間大師出現十号具足宜說諸佛所證妙法善除煩惱能趣菩提究竟涅槃盡諸苦際說是法時有人生在中國而所受身諸根具足了善惡言乃至生極正

見汝等必芻當知是人有暇修習汝等必芻  
此有暇事汝等已得生居中國逢我出世得  
聞聖教諸根具足當生勇猛常勤策勵修諸  
善品於善法律如說修行展轉相教展轉懺  
悔常淨三業恒行十善勿為無益致招後悔  
今時世尊欲重宣此義說伽他曰

第七八

我已為說八無暇

皆願當生有暇中

十五

若生難處不聞經

汝等至心應善聽

銅柱鐵山衆苦逼

塘煨糞屎刺刀林

於地獄中受斯苦

此處豈能聞正法

飢渴針咽苦逼身

兩注河流成猛火

於餓鬼中受斯苦

此處豈能聞正法

更互恒懷怖害心

常欲展轉相澆噉

於傍生中受斯苦

此處豈能聞正法

若在天中有頂處

由先福力生於彼

長壽覺慧不分明

此處豈能聞正法

生在邊方鄙惡處

耳不曾聞說法聲

無識恒居慢戾車

此處豈能聞正法

由彼先身造惡業

聾盲瘖瘂缺諸根

癡鈍即是人身牛

此人豈能聞正法

若人不信於三寶

說無因果無尊親

如是邪見壞其心

此人豈能聞正法

諸佛大師不出現

說無妙法流世間

若人生居閻世中

此時豈能聞正法

若人生於有暇處 八種無暇過皆除  
猶如病者遇良醫 應可至心聞正法

汝已獲人身 復得聞正法 不得聖果者

多生無暇中 我說八無暇 是衆生難處

得住有暇者 斯人世希有 汝已獲人身

復得聞正法 愛護自身者 當除煩惱慢

學七

若有聞正法 不能如說行 輪迴八難中

備受諸辛苦 已捨無暇處 常求聞正法

於生老死中 不久當出離 若已獲人身

聞法行放逸 後當生惱悔 如商人失財

若人聞我說 識暇及無暇 是故應勤心

正修於梵行 我說明眼人 善護於諸惡

正念能防守 不隨諸有漏 一切隨眠斷  
降伏大魔怨 永超生死流 得昇於彼岸  
尔時世尊說是經已時諸苾芻人天大眾聞  
佛所說歡喜頂戴信受奉行

佛說八無暇有暇經

字七

禪行經

止觀

下音貫

撮

七活反

比丘避女惡名欲自殺經

輕躁

下音寤

耐

奴代反

身觀經

肌膚

二字音飢夫

不惡

下一反故

狐狼

二字音胡郎

屠孟

下音

于彊音薑毒虺喜鬼齧五口劇奇逆釣餌下仍

革肌革皮也洩唾土卧反腋下亦赤絮

下息代青紂黛上同前慮反下音

無常經

獨俱懸杵尺与沉溺的及循環上下音還音汲音

爾石頭苾芩上類喘昌反噎軟氣於上

反結字反琰下云魔上於勒下楚瑩反舒

下云問摩勒策

下楚瑩

反舒定

山城國綴喜郡新村

靈瑞山酬恩菴沙門宗桂書寫之



